



Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

Caput V. Sumptâ in manus Christi crucifixi effigie, se se subinde ad bonam mortem exercere.

[urn:nbn:de:hbz:466:1-47123](#)

fuerint, familiariter amantérque conferas; cum illo, post curas atque labores, fatigatam mentem subinde recrees ac reficias; cum illo denique (cùm temporis aliquid vacuum tibi fuerit) omissis frigidis, quæ ab aliorum amicorum convictu ac consuetudine expectari possunt, solatiolis, otium temporis sanctè ac jucundè oblectes. Ut enim rectè cum

Explíc: pag. cap. 16. Joanne Thaulero Lætiensis Abbas: *Quid possit amanti ame esse suavius, quam ut post distractiones, labores, perturbationesque multas in hac lacrymarum valle (velit, nolit) ei occurrentes, cámque fatigantes, sub hac salutifera crucis umbra respiret, sese reficiat, sensus dispersos colligat, animamque et hanciam delectabili arboris bujus fructu confortet?* Hæc ibi,

Eodem facit Exercitium, quod ob materiæ similitudinem capite sequenti adjungimus: quamvis possint hæc & quedam similia, etiam ad partes sequentes, sive ad interiorem aliquam animæ occupationem pertinere.

C A P V T V.

Sumptā in manus Christi crucifixi effigie, sese subinde ad bonam mortem exercere.

§. I.

Ejus Exercitiū, tum necessitas, tum utilitas, ostenditur.

PRÆSENS exercitium propterea seorsum proponimus, quod & super eo pluscula nobis dicenda sint, & ad bonam mortem (à qua omnis pender æterna nostra felicitas) non mediocrem vim videatur habiturum esse.

Id autem est hujusmodi: ut ab omni cura molestiori feriatus, cùm te animo tranquillo, proindeque ad divinos sensus magis composito, esse senseris; partem aliquam temporis tibi deligas, quâ clauso ostio cubiculi tui, & sumptu-

in manus Christi crucifixi effigie, eōq; delecto situ corporis, qui in rem præsentem maximè facere videbitur, cum Salvatore tuo ac Judice, tuā salutis causam otiosius agere insti-
tuas, atque ex formula, quam pōst paulō subijcam, tan-
quam si in fatali lectulo supremæ horæ signum expectes, in
ijs proinde animi sensibus atque affectibus, qui extremo illi
tempori congruere videantur, in ijsdēmque cum ipso Chri-
sto crucifixo sermonibus collocutionibꝫusque, te exerceas.

Neque intempestivum fortassis aut præproperum cen-
sebis hoc studium; si cum animo tuo istinc reputes in pri-
mis incertum humanae vitæ; cùm forsan hæc dies, forsan
hæc hora, forsan hoc momentum supremum nobis futurum
sit; istinc autem rei pondus & magnitudinem æstimes.
Quippe cùm de arte bñe moriendi agitur, ea profectō res
agitur, cui prout oportet condiscendæ, omnis utique vita
meritissimò sit impendenda: adeóque non frustra fuisse,
sed ingentem sanè vivendo profectum is fecisse censendus
sit, qui vel hoc unum in omni vita didicerit: *Bene mori.*

Audi eam in rem Romanum Philosophum ad amicum
suum Lucilium præclarè, & tantūm non Christianè scriben-
tem: *Magna res est hæc* (inquit) *Lucili, & diu dispendia, cùm*^{Ep. 30.}
adventat illa hora inevitabilis, equo animo abire. Et rursum:
Vix tota vita sufficiat, ut hoc unum disperdas, vitam contemnere.^{Ep. 111.}
Et alio tractatu: *Vivere tota vita dispendendum est: & quod de brev. vias*
magis fortasse miraberis, tota vita dispendandum est mori. Ut
jam te, mi Lector, non pigeat, vel otij tui particulam ali-
quam, in eam quam dixi exercitationem conferre; & istâ
velut prolungatione, ad horam illam decretoriam, extremâ-
que vita actum, te comparare.

Nam si, qui fabulam comœdiāmve acturi sunt, priùs in
scenam quam prodeant, diu multūmque exerceri; & ad vo-
cis flexum, mutationem vultus, corporis gestum ac motio-
nem, verbo ad id omne, quod personæ quam gerant apte-

sustinendæ necessarium existimetur, studiosissimè formati solent; suis ut denique spectatoribus se approbent, atque ab ijs inanes plausus laudémve peritaram reportent: quam non oportet nos diligentiam, curam, studium, præmeditationem, exercitationem adferre, ut non jam in fabula, aut rei seriae, attamen ludicro, imitamento, verùm in re omnium maxima atque gravissima, Deo vitæ nostræ, non otioso spectatori, sed ad præmium pœnámve æternam justissimo certissimóque Judici, probemur: ne cùm inexercitati ac rudes ad vitæ clausulam peragendam venerimus, extremo in actu (in quo posita sunt omnia) miserrimo lapsu corrui-
mus, atque errore irrevocabili & inemendabili peccemus.

Neque hac in parte ulla occupationum excusatio admittenda est. Quasi ullus homo sit ita temporis egens, quin illius portionem aliquam, & velut horarum succisia, non modò honesta remissioni, sed rebus etiam supervacaneis interdum donare possit: aut tanquam occupatio ulla sit ei negotio anteferenda, quo non jam tempori (quod a-
junt) servitur, sed æternitatis securitati consulitur.

*L. 6. Conf.
cap. 11.* Augustinus olim, circa suæ ad Deum conversionis consilia fluctuans, & magno pugnantium cogitationum, æstu' jactatus, cùm illud de quo nunc agimus, præclarè apud animum suum statuisset: *Deputentur, inquiens, tempora, distribuantur hora pro salute anime:* continuò illâ occupationum objectâ mole, ab eo quod jam instituerat, pœne re- pulsus & retroactus est; cum ijs se curis, sive professionis rhetoricae, sive aliorum officiorum, distineri diceret, nulla ut ab ijs vacua sibi temporis pars, ad ea cogitanda agitandâ ve quæ maximè vellet, relicta esse videretur. Sed eni- rursus omnem hunc curarum temporalium obtentum, æternae salutis desiderio mortisque timore, generosè dis- turbat ac disjicit. *Pereant omnia* (inquit) *& dimittamus bu-
vana & inania;* conferamus nos ad solam inquisitionem ver- talia.

tatis. Vita hac misera est, mors incerta: si subito obrepatur, quomodo hic exhibimus? Et ubi nobis discenda sunt, quae hic negleximus? An non potius hujus negligentiae supplicia luenda sunt? Ista Augustinus. Quae quidem omnia suo quodam modo valere possunt etiam in rem praesentem. Quemadmodum enim serum nimis est, morte jam obitam, artem discere bene moriendi: ita qui constante vita disciplinam eam neglexerit, ut in instantanea morte moriendi artem addiscat, audeo dicere, propemodum nimis serum esse. Quando videlicet ipso terrore vicinæ, neque antea unquam satis considerata atque provisa, mortis occupatus animus, & praesentium sensu, futurorum metu perculsus, tot inter curas, dolores, angores, perturbationes, horrores, tenebras, vix jam seipsum respicere, minùs etiam ea, quae suæ salutis ratio eo in tempore postulet, circumspicere potest. Quo etiam sit, ut plerosque videas, cum inexercitati & imparati ad moriendum accerint, etiam sub ipso mortis ictu sollicitius de ea differenda, quam quomodo rectè obeunda sit cogitare; interque has curas, ipso suo facto quasi præoccupatos, salutis suæ res, si non deploratas, at dubias tamen atque incertas relinquere.

Magna igitur res est, & nullo non die, omnique adeò vita discenda, Christianè mori: hoc est (inquam) ut pie, ut sanctè mortem obeas; ut cum non dubia salutis spe, &c. (quoad ejus fieri potest) beatæ securus aeternitatis decedas.

Et quoniam ejus disciplina pars non contemnenda, est praesens exercitatio; ad eam te hortor, Lector optime: quia ut hoc transferam, quod, in re non absimili, de animo ad paupertatem preparando dixit Seneca: *Necessarium judico, Ept 20. id quod tibi scripsi magnos viros sepe fecisse, aliquos dies interponere, quibus nos imaginariâ (ille paupertate dicitur, nos morte) exerceamus ad veram.*

§. 2.

§. 2.

Exercitationis propositæ species atque adumbratio quædam.

Igitur si te volueris ad bonam mortem per otium compонere, potes hac similive ratione circa Christum crucifixum exerceri.

Primo: sumptâ in manus aut sinum Domini tui in cruce pondentis effigie; & mortis horam (à qua nescio an ipsâ multum absit) veluti præsentem animo ac cogitatione fingens; agnosces in primis sub illa figura Dominum Creatorem ac Salvatorem tuum, qui amore tui per summos dolores & opprobria in infami illo patibulo mori sustinuerit, quò te à diaboli servitute eriperet, & morte suâ amarissimâ vitam tibi beatam æternaque gaudia compararet.

Secundò: te ipsum & anteactam vitam respiciens, cogitabis illi omnes annos tuos in amaritudine animæ tuæ; dolebisque vehementer, quod haec tenus seu negligenter & remisè, seu etiam nequiter sceleratèque vivendo, adversus tantum amorem ingratus, non modò amorem amoris non reddideris, sed ipsum benignissimum Dominum tuum criminibus tuis (quod in te fuit) rursum crucifixeris, dñivimusque ejus sanguinem tam amaner & largiter pro te fulsum quodammodo conceulcaveris.

Tertiò: in hujus recordiæ tuae cogitatione, timore, dolore, verecundia, horrore confusus, te veluti reum & quovis dignum supplicio ad ipsius pedes abicies, oculisque in terram defixis, tanquam si offensi Redemptoris vultum non sustineres, admisorum tuorum veniam postulabis; rogans, ut infelicem animam tuam mundare dignetur pretioso suo sanguine, & te velut prodigum filium de regione longinqua denique revertentem, recipere in gratiam, & brachijs immensa suæ charitatis amplecti.

Quartò: dcinde cum animo tuo considerans, Christum

stum J E S U M ad hoc venisse ut peccatores quæreret, ac pro ijs salvandis (ac pro te nominatim) mortuum esse; in eum amanter te projiciens, omnem spem tuam atque salutem in sacris ejus vulneribus ac sanguine constitutes, certus, hujus pretium in immensum excedere quamcunque tuorum peccatorum gravitatem. Quorum memoria si supervacuè te sollicitet: colliga ea in fasciculum, & in incensam illam charitatis fornacem, in Salvatoris cor, ad comburendum immitte. Fidenter dic æterno Patri: Pater, peccavi in cœlum, & coram te: sed pro me interpellat & pacem exorat Vnigenitus tuus. Pro me vulneratus, pro me crucifixus, pro me mortuus est. Habet quondam grandis debiti reum: sed chirographum obligationis meæ filij tui sanguine deletum est. En apocham meæ liberationis. Attende Unigeniti vulnera, & obliviscere peccata mea.

Quintò: tum verò etiam majore erectus fiduciâ, & crucem ipsam manu stringens atque prætendens (veluti quosdam Dei servos imminente morte fecisse scimus) In hoc Gen: 32, baculo, exclama, transibo Iordanem istum: alludendo vide licet ad verba Jacobi Patriarchæ, & Domini crucem aspiciendo tanquam baculum peregrinationis nostræ; cuius ope, isto dolorum ac mortis torrente transmisso, promissam terram securè attingere valeamus. Quò referti potest, quod de S. Nicolao Tolentinate legimus; qui moriturus oravit ad se deferri crucem, in qua veræ crucis particula inclusa erat; ut ejus virtute (aiebat) ceu baculo altissime potestatis fultus, Iordanem hujus mundi libere transmittere, & ad Paradisi gaudia facile pervenire queam.

Sextò: inter hos, similesve affectus, Salvatoris in cruce distenti nunc hæc, nunc illa membra complectere: rosea ejus vulnera identidem dissolvaviate: in ipsius corde vulnerato, ceu sanctæ fiduciæ ara, & divini amoris officina, liberter ac diutiùs immorare: os ejus divinum ori tuo, tanquam aut

aut illius morientis spiritum excepturus, aut tuum in illum
transfusurus, amanter apprime: qua de re infrà plura sug-
geram, cùm de Christi morientis imitatione.

Ad extremum: in ipsis manus, corpus, animam, vi-
tam, & ipsam aeternam salutem tuam fidenter committes;
paratus ad omnem ejus nutum & placitum, seu te porrò vi-
vere, seu mori velit: & totum quod es, aut tortum quod
habes, opes, honores, titulos, &c. ad pedes Crucifixi depo-
nens & quasi restituens; quod haec tenus & vitam, & ista vi-
ta seu commoda, seu ornamenta liberaliter tibi praestiterit,
ei gratias ages. Tandem veluti pertaesus istius mortalis vi-
tae, atque aeternorum incensus desiderio, anhelabis subinde
ad conspectum ejus, & his B. Gertrudis vocibus ad illum su-
gredi: *O IESU mi chare, quando corpus meum (te per-
petuamente) revertetur in pulvrem, & anima mea liberè resuere in
te suam originem!*

Juvabitque ad manum habere alias nonnullas aspira-
tiones hujusmodi; qualis est illa, quam ex S. Gregorio re-
feremus in parte ultima; aut ista quam autor tractatus de
Visitatione infirmorum inter opera S. Augustini, moribun-
do dicendam suggerit in Crucifixi complexu: *Tu autem,
bone IESU, qui pro me pendens ita passu es, misereri mei di-
gneris, & praesta, ut qui mibi mortuus es, & ad hoc mortuus es,
ut mundo moriens tibi vivam, bone IESU.*

lib. 2. 3. Ad hujus denique Exercitationis complementum, mi-
hi insuper hæc pauca monendum es:

Primum: ut quando nondum in vera morte, sed in
imaginaria tantum versaris, tibique adhuc temporis aliquid
ad vitam emendandam concessum est; ad id omni studio
connitaris; & quod omnino fecisse velles, si hoc ipso mo-
mento reipsa tibi moriendum esset, id tibi deinceps faci-
endum serio apud animum tuum proponas.

*Id autem cavebis in primis, ne priores culpas, quarum
nunc*

nunc te pœnitet, repeatas: ne fortè tot tuis frustrationibus fatigata, & vecordia tuae fastidio offensa Dei benignitas, meritò denique te deserat; & impensa tibi, sed contempta misericordia, in gravius judicium suppliciumque vertatur. Timenda quippe est in re presenti, amara illa Beati Job imprecatio: *Obliviscatur ejus misericordia.* Cujus quidem ^{cap. 24.} pena hanc inter cæteras rationem subiicit: *Dedit ei Deus locum paenitentiae, & ille abutitur eo in superbiam.* Quod graviter more suo explicans B. Gregorius: *Quia (inquit) accepta misericordie tempora divertit ad culpam; distractus in L. 13. Mor. ultimus Index argumenta misericordie convertit ad pœnam.* ^{cap. 3.}

Unde necesse est (concludit) ut cum nos diutius expectari conficiamus, ipsa pietatis prorogate tempora, quasi damnationis argumenta timeamus. Hac S. Gregorius.

Illi proinde Exercitijs usurpatio, non in futurum modò, sive ad mortem tempore suo piè ac sanctè obeundam, valebit plurimum (promptius quippe, cùm res exiget, prorumpes in eos affectus quibus assvereris, & ad familiare notumque perfugium, Christi inquam crucifixi vulnera, liberius convolabis) sed non parum etiam conducet in præsens, ad vitam scilicet purè & sanctè, eoque tranquillè atque beatè, transigendam. Bene siquidem vivet, qui bene mori didicerit: sicut è diverso verum est illud, sapientia nobis in hoc capite laudati Philosophi: *Male vivet, quisquis nesciet de transanimis c. 110. bene mori.*

Alterum: ut hoc quidquid est spiritualis exercitij, non cursim aut quasi perfuntoriè, sed sedulò & diligenter ob eas, & in his capitibus quæ ad gustum magis facient, operosius insistas. Quod si tibi Deus, inter excendum, sensus aliquos in futurum utiles, aut rationem aliquam artem ve rei in tempore suo bene gerendæ, suggesterit; ut id in codicillum ad memoriam atque usum referre ne prætermittas.

Postremum: (quanquam non magnum est, at fortè ar-
ti debit nonnemini) ut in hujus exercitationis clausula, ei
calvariæ (quæ ad crucis pedem apponi solita, mortis nostræ
per Christum exarmata, & ad crucis triumphale lignum,
spolij instar adjunctæ, symbolum est) subinde osculum fi-
gas: testatus hoc pacto te mortem de manu Dei, cùm hora
illius venerit, libenter esse acceptaturum, eámque sive u-
donum amantis, sive ut flagellum punientis, perinde exoscu-
laturum esse. Eodemque recidet, si eam humani capitii
figuram, duntaxat appositam dixeris ad supplicij locum in-
dicandum, qui à calvarijs, quæ istic jacerent nomen acce-
perit; sive ea denique primi hominis Adam calva est, quem
istic sepultum, receptissima est SS. Patrum traditio. Näm-
que sic etiam mortalitatis nostræ monumentum est, in eaq[ue]
mortis necessitatem unicuique impositam intueri & ample-
cti licebit,

§. 3.

Illustri exemplo assertur eadem Exercitatio.

Simili fermè ratione ad mortem sese exercebat Venerabi-
lis Pater Cæsar de Bus, is qui Religionis Patrum, quos
vocant, Doctrinæ Christianæ, in Gallijs autor atque condi-
tor fuit: qui sive ad mortis memoriam familiarius retinen-
dam, sive ad assiduum vitæ sanctioris ac perfectioris incita-
mentum, quotidie prius quam consveto somno concederet,
quendam sibi tanquam sui funeris apparatum; aut verius
pietatis scenam, istum in morem adornabat.

l. 2. G. 1. c. 8. Aquæ sanctæ vaseulum cum peniculo lustrali statue-
bat in scabello ad lectuli caput; ad pedes vero in scabello
altero lucernam collocabat per noctem arsuram: tum sese
in strato industriè componens, sumptóque inter manus
Christi cruci suffixi signo, pijs precationibus commendabat
illi animam suam, perinde atque si eam sibi noctem supre-
matum

mam fore intelligeret, aut confessim sibi è vita excedendum esset. Inter quas pias commentationes somno denique cedebat; ac luce posterâ eo in habitu evigilans, diem illam sibi singulariter ad sui emendationem à Deo concessam interpretabatur; cámque proinde in lucro ponens, perfectioris vitae studium arripiebat ardentius, quasi se idcirco ab ipsis inferis divinitus eruptum, vitæq; redonatū intueretur.

Itaque vir pius (quod sapienti faciendum præcipiebat Seneca) nullo non die se extulit. Cúmque ex asceticæ vita Ep. 12. præceptionibus, ad quotidianam spiritus renovationem, sanctumque fervorem concipiendum, duo hæc plurimum valeant; diem omnem, vel tanquam primam religiosi studij, vel tanquam supremam aspicere, uno ille invento utramque fecit: omni quippe die sese componens, rursum omni die tanquam superstes sibi vivens, quotidie cœpit de integro Deo vivere, quotidie postremum vixit.

Sed attende, amabo, priusquam hoc caput finiam; in talem virum quām ea bellè convenientia, quæ loco jam laudato Seneca, Elogij instar, attexit: *Ille beatissimus est, & securus sui possessor, qui crastinum sibi solitudine expectat. Quisquis dixit, Vixi; quotidie ad lucrum surgit.*

C A P U T VI.

Missa Sacrificio quotidie frequentando, passionis ac mortis Domini memoriam renovare.

¶. I.

Missa Sacrificium expressam quandam passionis Christi representationem esse.

Postulat à te in benignissimum Redemptorem propensa pietas & grati animi devotione; ut sacrosancto Missæ Sacrificio (enjus celebratio, ut S. Thomas loquitur, *imago que-* 3. p. qd 83^o *dam* a. 1.^o)